

Protocol dalla radunonza generala constitutiva dalla pleiv
Rueun-Ruschein-Siat-Pigniu, dumengia ils 9d'october 2016
allas 19:00 en casa communal a Rueun

- Tractandas:
1. Beinvegni ed elecziun da dus dumbravuschs
 2. Approbaziun dalla constituziun dalla pleiv
 3. Approbaziun dalla lescha da taglia
 4. Approbaziun dil regulativ da salarisaziun
 5. Elecziun dalla suprastonza
 6. Elecziun dalla cumissiun da gestiun
 7. Fixar il pei da taglia per igl onn 2017
 8. Approbaziun dil preventiv per igl onn 2017
 9. Approbaziun dil reglament per
l'affitaziun da schischom
 10. Varia

1. Beinvegni:

Flurin Valaulta beneventa 37 votantas e votants alla radunonza generala constitutiva.

Sco dumbravuschs elegia la radunonza unanimamein Pieder Tschuor e Robert Cavigelli.

La gliesta da tractandas vegn approbada.

Sur Ignazi Pally ei seperstgisaus. (Messa a Ladir).

Flurin Valaulta resumescha cuort las raschuns, daco ch'igl ei vegniu ad ina fusiun dallas pleivs da Rueun, Ruschein, Siat e Pigniu.

La suprastonza transitorica consista ord ils/las presidentAs dallas veglias quater pleivs.

Ils documents per la nova pleiv ein vegni elaborai tenor quels dallas pleivs fusiunadas da Breil e dalla Lumnezia.

Questa sera essan nus seradunai alla radunonza constitutiva. La nova constituziun vegn ad ir en vigur cun igl 1. da schaner 2017.

2. Approbaziun dalla constituziun dalla pleiv:

Flurin Valaluta va atras mintga artechel dalla nova constituziun e dat als presents la caschun da tschentar damondas ni da far objecziuns.

Tenor il votum da Lorenz Alig eis ei pli sempel da metter l'elecziun dils ugai caplutta sut igl artechel 25/i parentesa „eleger persunal e funcziunaris“, enstagl da far in artechel separau.

La constituziun cun la sura menziunada midada vegn approvada unanimamein.

3. Approbaziun dalla lescha da taglia:

Flurin Valaulta presenta mintga artechel dalla lescha da taglia.
Ei dat neginas damondas ni objecziuns.
La lescha da taglia vegn approvada unanimamein.

4. Approbaziun dil regulativ da salarisaziun:

Vegn approbaus unanimamein.

5. Elecziun dalla suprastonza:

La suprastonza transitorica ha anflau persunas, las qualas ein promtas da surprender in uffeci ella nova pleiv.

Rueun Hugo Schär

Ruschein Duri Coray

Siat Toni Albin

Pigniu Hubertus Spescha

La radunonza elegia la nova suprastonza unanimamein cun 37 vuschs.

La suprastonza dalla pleiv Rueun-Ruschein-Siat-Pigniu seconstituescha sesezza.

Hugo Schär, in commember dalla veglia suprastonza dalla pleiv da Rueun engrazia per la confidonza. El vul bugen segidar culs novs commembers dalla suprastonza e dar sustegn cun sias experienzas fatgas duront plirs onns en uffeci.

Duri Coray pren il plaid ed engrazia medemamein per l'elecziun. El spera sin agid dils parochians ella nova pleiv.

6. Elecziun dalla cumissiun da gestiun:

Elegidas unanimamein ella cumissiun da gestiun vegnan
Claudia Tomaschett da Rueun
Cornelia Coray da Ruschein

7. Fixar il pei da taglia per igl onn 2017:

La proposta dalla suprastanza transitorica ei da fixar il pei da taglia sin 16%.
Pigniu veva tochen uss 15%.

La proposta dalla suprastanza da 16% vegn approvada unanimamein.

8. Approbaziun dil preventiv per igl onn 2017:

Il preventiv per igl onn 2017 presentaus alla radunonza generala vegn approbaus unanimamein.

9. Approbaziun dil reglement per l'affitaziun da schischom:

Ils presents han la caschun dad ir atras ensemen cun Flurin Valaulta tuts artechels dil regulativ da schischom.

Il regulativ vegn era approbaus cun 37 vuschs.

10. Varia:

Gregori Cavigelli, anteriur president dalla pleiv da Siat engrazia als novs suprastants per la prontadad da luvrar per la pleiv fusiunada. El communichescha, che Toni Albin da Siat sa oz buc esser presents alla radunonza, ch'el ei denton cuntents da surpender in uffeci. Gregori engrazia era a Hugo Schär, il qual semetta aunc a disposiziun da s'engaschar sco commember ella suprastanza.

Gregori gi ch'el seigi optimist e seigi perschuadius ch'ei vegni a funcziunar cun las pleivs fusiunadas. El engrazia era allas veglias suprastanzas per lur lavur.

Ruschein, ils 20 d'october 2016

L'actuara transitorica;
Ursula Capaul-Mirer
Ruschein